

Ming Kinder komen immer noh Hus un hatten entweder en halvdude Duuv oder Kning oder söns irdendjet.

Eimol komen se aan un brahten en jung Määl met. Dann ha' mer die op der Balkon gedon. Han ich gesaht: "Die mutt ehr widder hinbränge, wo ehr die gefunge hat!"

"Nä, dat geiht nit. Die kann nit fleege. Dann kütt dä Fuss un friss die. Oder die Katz kütt."

"Jo", sag ich, "un wat soll ich jetz domet? Wo es dann dat Ness?"

"Dat ha' mer nit gefunge."

"Jo", han ich gesaht, "god!" Dann han ich denne e Schöppche gegowve usem Gaade un han gesaht: "En der Park Rähnwürm söke!"

Dann ha' mer versök die Määl ze föödere. Da moot ich dann die Kewvere schön vermatsche un han dann versök met der Pinzett dat Veeh zo föödere. Ging och nit! Da han ich dat dann wohl oder übel, ich kunnt et jo schlääch vürkäue, en de Fingere gepack un han dat däm immer en de Muul gedäut un dann hät e dat och gefresse.

Dann kom ich eines Dags noh Hus vun der Arbeit, do soß die op minger Wäsch un hatt mir die ganze Wäsch beschesse. "Nä", han ich gedaach, "Tierliebe es jo schön, ävver dat es einfach zo vill!"

Morgens fröh esu öm vier Uhr fing dä aan zo schreie. All Vügelcher woren am Fleute, nor ming Amsel wor e bessche jet am Schreie. Do ben ich rusgegange, han ich die widder geföödert, un wann Rauh wor, die Pänz noh der Schull, ich noh der Arbeit.

Dann kom ich eines Dags noh Hus un do wor se fott. Nomeddags klingelt et Sturm, steiht minge Nohber vür der Dür. Säht e: "Hör ens, ich han ding Määl hee bei mir om Balkon. Wells de die nit ens holle kumme? Die schreit wie am Spieß."

"Godd", han ich gedaach, "do es se widder!" Han ich mir dat Veeh gehollt, widder bei uns op der Balkon gedon. Dann duurten et noch zwei, drei Dag un do wor se fott.

Nomendags, et klingelt Sturm. Stundt en ganze Hood Pänz vür der Dür. "Frau Kerstin, mir han Üüre Vugel gefunge. Dä setz em Einkaufszentrum un es am Schreie wie verröck. Ehr mutt dä holle kumme, dä fingk dä Wäg noh Hus nit."

Ich han mich flöck aangetrocke, met dä Pänz en et Einkaufszentrum, hatt ich minge Vugel ad widder. Dann han ich dä widder op der Balkon gedon un dann hät et drei, vier Dag geduurt un dann kunnt e wirklich fleege. Dann wor e fott. Ävver dä es noch bestemp e halv Johr lang jeden Dag op der Balkon gekumme un hät sich si Fööderche avgehollt.

### Gebel, Roswitha (66): *De Määl*

miŋ kɪndə kɔ:mən ʔime no hʊs ʔʊn hatən ʔɪbjənt ʔent'vedɛ\_n 'haləfdu:də du:f ʔodə knɪŋ ʔodə zʏns ʔɪbjənt jət ʔʊn 'ʔeɪmɔl kɔmən zə ʔa:n ʔʊn bʁa:tən\_ən jʊŋ mɛ:l met dan ha\_mɛ di\_op dɛ bal'ko:n jədɔn han\_ɪfj:əzət di myd\_ɛ vidɛ 'hɪnbʁɪŋə vo\_ɛ di jəfʊŋə hat nɛ: dat je:t nɪd:i kan:ɪt flɛ:jə da kʏt:ɛ fus ʔʊn dɛ fʁɪs di: ʔodə di kats di kʏt ja za\_ɪfj ʔʊn vat\_sʊl ʔɪfj:ɛts dɔ'met vo ʔes dan dat nes jo dat ha\_mɛ nit jəfʊŋə ja han\_ɪfj:əzət ju:t ʔən dan han\_ɪfj dɛnə\_ɛ ʃɔpɪjə j:ɔv\_ʊzəm ja:də ʔʊn han jəzət ʔɛn dɛ parək ʔʊnə 'hɛ:nvʏbm zɔ:kə ŋ\_a ha\_mɛ fɛzɔ:k di mɛ:l tsə fɔ'dɛkə ta mɔ:d\_ɪfj dan di keve ʃɔ:n tsɛmatʃə ʔʊn dan fɛzɔ:k met\_ɛ pɪn'tsɛt:ət fi tsɔ fɔ'dɛkə jɪŋ ʔox nɪt:a han\_ɪfj:at:an vo\_l\_ode ʔy:bəl ʔɪfj kʊnd\_ət ja ʃlɛɪf 'fyɛkɔyɛ ʔɛn dɛ fɪŋəbɛ jəpag\_ʊn han dat:an ʔime ʔɪn dɛ mu:l jədɔyt ʔʊn\_an hɛt\_ɛ dat ʔox jəfʁɛsɛ ʔʊn dan kɔ:m\_ɪfj no hʊs ʔeɪnɛns da:xs fʊn dɛ ʔ'akbɛt dɔ zɔ:s di ʔop mɪŋə vɛʃ ʔʊn hat mɪɔ di jantʃɛ vɛʃ bɛʃɪsɛn:ɛ:\_an\_ɪfj:ədə:x 'deɔlɛ f ʔɪs ja ʃɔ:n ʔɛvɛ dat ʔɪs ʔaɪnfax tsʊ fil nɛ ŋ\_ət hɛt:an mɔbjəns fʁɔ: ʔɛzum fi:ɔ ʔu:ɔ dan fɛ::ŋ dɛ ʔan tsʊ ʃkɛɪə ʔalə fyɛlhɛ vo:ən\_am flɔytɛ nuɔ miŋ ʔamzəl di voɔ\_ɛ besjə vad\_am ʃkɛɪə dɔ ben\_ɪfj 'bʊsjəjanə han\_ɪfj di vedɛ jəfɔ:det ŋ vɛn ʁu:ə vo: di pɛnts no dɛ ʃʊl ʔɪfj na dɛ ʔ'akbɛt ŋ\_an kɔ:m\_ɪfj ʔeɪnɛs das no hʊz\_ʊn\_a vo zə fɔt ʔʊn:ɔmeda:s klɪŋəld:ət ʃtɔrm ʃtɛ:d mɪŋə no bɛ fy dɛ

dy:ǥ set\_ə hɔb\_əns ʔiŋ:an diŋ mɛ:l he be miǥ ʔom bal'kɔn vɛls:ə di nid\_əns hɔlə kɔmə di ʃbɛɪ:t vi\_ɑm  
ʃpi:s kɔt han\_ɪŋ:ədaː dɔ ʔes:ə vidɛ han\_ɪŋ mi dat fi: jəhɔɪ't vidɛ be ʔɔnz\_ob dɛ bal'ko:n jɛdɔnː ɳ dan  
duɛtən\_ət nɔx tʃvaɪ dɛɪ da:x ʔɔn da vɔ zɛ fɔt 'nɔmɛn,da:xs ʔɛt klinɔlt ʃtɔrm ʃtɔn\_ɳ jantʃə hɔɪdɛ pɛntʃ  
fɪ dɛ dyǥ fɛɔv 'kɛxstin miǥ han ʔɪbɛ fuːəl jɛfɔŋə dɛǥ zɪdz\_ɛm ʔaɪnkɔʊfs,tʃɛntɛɔm\_ɔn ʔɛz\_ɑm ʃbɛɪə vi:  
fɛbɔk ʔɛǥ mɪt:ɛ hɔlə kɔmə dɛ fɪŋk dɛ vɛ:ŋ nɔ hɔs nit ʔiŋ:a\_mɪŋ flɔk 'ʔa:njɛtɛɔkɛ mɛt:ɛ pɛntʃ ʔɛn\_ət  
ʔɛnkɔʊfs,tʃɛntɛɔm had\_ɪŋ mɪŋə fuɛl\_at vidɛ dan han\_ɪŋ dɛ vidɛ ʔop dɛ bal'ko:n jɛdɔn\_ɳ dan hɛd\_ət dɛɪ  
fiǥ da:x jɛduǥd\_ɔn dan kɔnt\_ə vɪbklɪŋ flɛ:jə ʔɔn dan vɔ:b\_ə fɔt ʔɛvɛ dɛ ʔɛs nɔx bɛʃtɛmb\_ə halɛf jɔː lanː  
jɛ:dŋ da:b\_ob dɛ bal'ko:n jɛkɔmə ʔɔn hɛt\_sɪŋ si 'fɔːdɛŋə 'ʔafjɛhɔɪt